



UNIVERSITÄTS-
BIBLIOTHEK
PADERBORN

Universitätsbibliothek Paderborn

Symma Practica Theologiae Mysticae

Gelen, Victor

Coloniae Agrippinae, 1652

Articulus Quartus. De formatione amoris defientis, prout est in intellectu
per recordationem simplicem.

urn:nbn:de:hbz:466:1-9766

nima, quæ vñteroris, perfectionis cupida, subdubitando, & admirando in temetipsa conturbaris, quod post aliquod annorum spatium, tam in statu meditationis, quam adspirationis, ac etiam contemplationis, siue modi adfirmatiui, amorosa consolatione, siue modi negatiui, animosa transcendentia feliciter expensum; ita vt interea ad diuinam sapientiam, vt melius fieri potuit, & tibi opus fuit, teipsum eleuates. tibi persuadens, quod semper in amore Dei sensibiliter deberes crescere: iam verò ab aliquo tempore constanter videas, te è contra magis deficere, ab habitu intellectuali pulchritudine, & amoris diuini gustu: noli putare, quod ipsa hæc tua interior bona constitutio, longius recedat à te licet enim secundum quid, & prout hucusq; consueveras, eam longius recessisse animadueritas, non tamen secundum illum modum, qui purè spiritualis est, & ad quem disponi incipis, longius recedit; sed intimius accedit, ac miris, & tibi nondum cognitis modis accedit, accederetq; magis incessanter. Itaq; vt pane solido cibanda, & vt amica in tentatione probanda; (nihil enim nobis amplius hoc loco cum deuotione sensibili commune est) statue tecum indies, & virili animo repete, donec deficiam, non recedam ab innocentia mea: iustificationem meam quam cœpi tenere, non deferam. neq; introibo in tabernaculum domus meæ, neq; ascedam in lectum strati mei, nec dabo somnum oculis meis, nec palpebris meis dormitatio-

nem, nec requiem temporibus meis, donec (gratia Dei mediante in sequentibus statibus) inueniam locum domino, & tabernaculum Deo Iacob; in tantum, vt si diuino pulchro, & bono pro voto potiri, non sim digna; saltem aliud quidpiam quod Deus non est, & ad Deum me non ducit, etiam admittere nolim.

Et quidem eiusmodi fortis, & constans animus, scilicet omnes desolations tolerandi, tanquam pactum quadam sit ad diuinum amorem prosequendum, & ad condelectandum legi Dei secundum interiorem hominem, loco p̄eambuli, & dispositionis preuię, ad congruè operandum; dein vt fieri poterit, ad exercitium aetus, spiritualis oculus ad diuinum pulchrum atpcionandum, eiusq; summum bonum diligendum eleuandus erit; non crassa; sed admodum subtili cogitatione, idq; toties moderatè reperendum erit, quoadvq; actualis amoris bene afficiens, & cum Deo coniunctio, subsequatur; quæ si obtineri non possit, æquo animo ferendum erit, quidquid molesti occurrit, & tanto orandum humilius, quanto gustus amoris diuini recesserit longius. ne autem præstans margarita hic abscondita negligatur, consequenter dicendum erit,

De formatione amoris deficientis, prout est in intellectu per recordationem simplicem.

ARTI-

ARTICVLVS QVARTVS.
Sentite a de Domino in bonitate, & in simplicitate cordis querite illum. ac si diceret, ô pia anima, licet intellectus & ueritas secundum sensibilem afficiemtiam diminuatur, & quodammodo euangelio videatur, scias tamen in praesentiarum adhuc insignes regionis intellectualis superesse pulchritudines, frutionesq; amoris. hucusq; enim, dum videlicet in statu contemplationis versareris, ut plurimum per discursus, & illationes interiora tua souere debuisti; iam vero cum paulatim ad modum operandi supernaturaliter disponaris, oportet ut in posterum simplici duntaxat Dei recordatione tua peragas: & hoc ipsum quidem non cum tali conatu, ut in inferiore homine sensibilis aliquis feruor excitari debeat, prout siebat in statu contemplationis: tum enim per viam & modum acquisitionis procedebatur, ita ut, quod in optimo spiritus inueniebatur, ex abundantia sua in vires inferiores sensibiliter influeret, & feruores excitaret; iam vero cum a sanno tuo recedas, & spiritualis pulchritudo remittat, nec sit amplius illius efficacia, ut in sensibiles vires iucundè difundi possit, ad spiritus subtilitates paulatim animus inducendus est. Vnde mox ut animaduerteris frutionem, seu intuitum animi obscurum vel languidum fieri, illico prima illa simplex, leuis, & puri Boni Dei; recordatio reassumenda est. ideo enim dicitur; sentite de Domino in bonitate; id est, se-

dulò agere oportet, ut sensus diuinæ bonitatis non tantum maneat; sed etiam ut in simplicitate cordis, & alleuiatione mentali foueatur, ne à spirituali sua puritate, & luce ad fundum conclusum & tenebrosum detrahatur.

Et quia in simplicitate cordis quaere re oportet; omni diligentia multiplicitas, seu interruptio cauenda erit: quæ quidem interruptio, est vel ex causis extrinsecis, vel ex causis intrinsecis. extrinsecæ causæ sunt, opus superfluum non ex obedientia assumptum, furtiva confabulatio, tentatio hoc vel illud habendi, vtendi, inuoluntaria mortificatio, qua contingit aliquid contra inclinationem naturalem cum nausea pati, & similia. intrinsecæ autem causæ sunt ariditas, torpor animi, tedium ex aliquo otio, profluente ex non renouatione recordationis diuinæ, aut inhaesione in obscuro fundo; ex quibus ut plurimum ariditas, languor & tedium proueniunt. quod si vero in nullo horum defectu sam te inuenieris; & tamen ab optata cordis simplicitate ad aliud quippiam prolabaris, hoc non ita grauiter ferendum est, cum, etiam nulla posita negligentia, ea sit actiuitas spiritus nostri, & ad euagationem, seu distractionem pronitas, ut diu in vna re (nisi quæ valde alliciat,) consistere nequeat: sed magis curandum erit, ne ad internum pondus, seu cœcam interioritatem declines, neglecta illa animi pulchritudine; quæ sicut ex simplici memoria diuinæ præsentie acquiritur, ita etiam quan-

S 2

do

do eiusmodi præsentia quacunque tandem occasione euauerit, si violenter, aut sollicité eam recuperare velis, gracie potius tedium causabis.

Vt autem in mentali oratione conformiter agatur, oportet primo loco præambuli, & perfectæ dispositionis, vt piissima Dei consolatio abeat, & secundum sensibilem affectum indies magis, deserat, ex parte sua; dein ex parte tua, vt illam cum inquietudine non appetas, sed humiliter patienterq; sustineas, quod quasi in terra deserta, & inuia, & inaquosa sola, desolataq; incedas. Secundò verò pro actus exercitio, oportet statim simplicem, & nudam de Deo cogitationem assumere; & hanc simplicem cogitationem, magis magisq; simplicem reddere; & quidem tam subtiliter, ac si nunquam alias ante hac quidquid de Deo sensibiliiter percepisses. atq; tum demum, & in hac simplici de Deo cogitatione actualis contemplationis, sicut initium habetur, ita quoq; per aspectū simplicem, continuanda, & renouanda erit: ac etiam finita oratione mentali, alio tempore exercitium orationis, quando reassumendum erit, oportet pari modo pro primo, & perfecta dispositione, omnia sensibilia, crassa, & quidquid ad sensibilem amorem inclinat, deserere; dein iterum à simplici cogitatione incipere. quanto autem solatio hæc fieri possint, consequenter dicemus;

Quod in simplici recordatione inueniatur spiritualis pulchritudo.

ARTICVLVS QVINTVS.

Apparet a Dominus eis, qui fidem habent in illum. ac si diceret, ò pia anima, si in vera simplicitate, & cordis intentione Deum quæsieris, indubitate fide sciens, ipsum infinitis modis in abscondito spiritus tui, latibulum suum posuisse; fieri non poterit; quin tibi nunquam hucusq; experto modo apparere dignetur. vt autem scias, te simpliciter procedere, non contristaberis te auertere à memoria præteritarum fruitionum, & modorum operandi, cum præteritæ operationes iam suum prestatim; sed omnibus præteritis obliuioni traditis, in Nunc presenti, vt poteris, nundè, & purè Deum in Spiritu tuo viuere, obseruabis; non tamen in illa altitudine, quæ alias secundum elevationem mentalem status contemplationis in cœlorum sublimitate contingebat: sed ac si in capitib; tui (vt ita loquar) nudo quodam non eleuato, sed in te ipso ample, & reali cœlo, tuam interioritatem ambiens, illius appetitum, & tendentia desiderium amplexaretur. atq; ita appetet ijs, qui fidem habent in illum. fides enim est certus ascensus illius dininæ presentiæ, quamvis omnis sensus, & amoris parentia sentire videantur contrariū, quod quidem hoc loco per quam familiare est. cum enim amoris spiritualis vivacitas indies dispreat magis, ac magis, eiusq; visus non habeat, cui firmo aspectu innitatur; crescat infallibiliter quotidie amplius pondus vitiæ naturæ, eiusq; actiuitas, in prioribus diuinæ præsen-